

# DIDZA' BSÖLË'Ë PABLO QUEË' FILEMÓN

*Pablo rugapé' Dios Filemón*

<sup>1</sup> Neda', Pablo, dzagbi' neda' bi'i böchi'ru' Timoteo, ati' nadzuna' lidx guia le runa' xchinë' Jesucristo, rugapa' Dios li', Filemón, nacu' bönni' nadxi'itu' len runu' xchinë' Cristo ca runtu' netu'.  
<sup>2</sup> Rugapa' Dios Apia, ngul quiu', nacnu zanru' réjle'nu Cristo. Rugapa' Dios ca' zxi'nu', Arquipo, nacbi' queë' Jesucristo ca bönni' rijë' gdil-l, runbi' xchinë' Lë' ca runtu' netu'. Lëzca' rugapa' Dios bunách queë' Cristo tu'dubë' lu yu'u lidxu'.  
<sup>3</sup> Rnaba' lahuë' Xuzru' Dios lenca' lahuë' Xanru' Jesucristo, uzá' ladxë'ë queëli' len gunë' ga soa dxi icj láxdi'dau'li'.

*Ca runë' Filemón le rejlé'ë Cristo*

<sup>4</sup> Xclenu', rëtecza'-në' Dios queëru', len rjnýteczda' li' cati' rulidza'-në' Dios. <sup>5</sup> Cni runa' le rdxin quia' didza' ca nadxi'iniu'-në' Xanru' Jesús len réjle'u Lë', len nadxi'iniu' ca' yúgu'të bunách chnubijë' quizi queë'. <sup>6</sup> Rnaba' lahuë' Dios gunë' ga guntsca dxin lban runu' ca nac le réjle'u Cristo, quië luzí' xbey nup nacuá' ni' yúgu'të le nac dxi'a, le ruzá' ladxë'ë queëru' Jesucristo. <sup>7</sup> Rudzijda' len ruzí' zxöna' le nadxi'icnu'-në' böchi'ru', len benu' li', böcha'a, ga guluhuöác láxdi'gac bunách ta'yejlë' Cristo.

*Ral-la' unít lahuë'-bi' Filemón Onésimo, bi'i nada'u queë'*

<sup>8</sup> Qui lë ni na', zal-la' dë lu na'a le naca' gbaz nasölë'ë Cristo gna bé'ida' li' ca ral-la' gunu' <sup>9</sup> ni ráta'yua' lau' len yöl-la' nadxi'i, neda' ni chnaca' bönni' gul len yu'a lidx guia le runa' xchinë' Jesucristo. <sup>10</sup> Ráta'yua' lau' uláz queëbi' Onésimo, bi'i na' bena' ga böacbi' queë' Cristo, len qui lë ni na' nacbi' ca zxi'ncza' ga ni nadzuna' lidx guia.

<sup>11</sup> Bi'i ni, zi'al cutu gucbi' lsaca' quiu', san na'a nacbi' lsaca' quiu' li' lenca' quia' neda'. <sup>12</sup> Bi'i ni rusöla'a-bi' ga zu'. Na'a, ben ba la'n lëbi' ca néda'cza' runu' ba la'n, le nadxi'ida'-bi'. <sup>13</sup> Gu'nda' ugá'nlenbi' neda' ni, quië uláz quiu' gunbi' xchima' tsal ni yu'a lidx guia le runa' lban qui didza' dxia' <sup>14</sup> san cutu bi rë'nda' guna' le cutu nac didza' quiu', cui guna' bayúdx gáclenu' neda', san huac gáclenu' neda' le rë'ncznu' ca'. <sup>15</sup> Nazx ca' qui lë ni na' buza'bi' ga zu' Onésimo tu chi'ida' quië udxinbi' tsaz ga zu'. <sup>16</sup> Na'a, cutur gacbi' quiu' ca bi'i nada'u, san gacbi' quiu' ca bi'i böchi'czu', nacbi' bi'i böchi'ru' réjlë'bi' Cristo, len nadxi'iru'-bi'. Nacbi' cni quia' neda', ati' ral-la' gacrbi' ca' cni quiu', clëgz ca böchi' lza'u, san lëzca' ca bi'i böchu'u réjlë'bi' Xanru' Jesucristo.

<sup>17</sup> Qui lë ni na', chqui' nunu' neda' tuz, ben ba la'n lëbi' ca néda'cza' runu' ba la'n. <sup>18</sup> Chqui' bi zxguia' benbi' quiu' o chqui' bi rál-la'bi' quiu', gnatëz neda' ral-la'a. <sup>19</sup> Neda', Pablo, len na'cza' ruzuja' quiu' lu guich lë ni: Néda'cza' quizzxa' bi rál-la'bi', len clëg gyëpa' li': Lëzca' ral-lu'u quia' yúgu'të le dë quiu' le bena' neda' ga napu' yöl-la' na'bán gdu. <sup>20</sup> Ca' gac, böcha'a. Chqui' dë le uzi'a xbau' le náquiru' queë' Xanru', ben lë na'

chgúta'yua' lau' le naca' böchu'u réjlë'a Cristo, ati'  
cni gunu' ga huöac ladxa'a.

**21** Ruzuja' quiu' lu guich ni, le ruzxöni ladxa'a li',  
gunu' ca rna xtidza'a, len nözda' gunu' yelati' ca  
lë na' chgúta'yua' lau'. **22** Lëzca' rnaba' lau' upa'u  
quia' ga soa' lu yu'u lidxu', le runa' löz uruja' lidx  
guia ni, ati' guida' ga zoali' le rulidzli'-në' Dios  
rnabli' neda' lahuë'.

*Pablo ruzujé' lu guich le rugáp Dios Filemón*

**23** Rugapë' Dios li' Epafras, yú'ulenë' neda'  
tsazxön lidx guia ni le runë' xchinë' Jesucristo.  
**24** Lëzca' tu'gapë' Dios li' Marcos len Aristarco, len  
Demas len Lucas, bönni' ni túnlenë' neda' tsazxön  
dxin queë' Cristo.

**25** Rnaba' lahuë' Xanru' Jesucristo uzá' ladxë'ë  
queëli'. Ca' gac.

**Didza' cub rucá'n tsahui'  
New Testament in Zapotec, Southern Rincon  
(MX:zsr:Zapotec, Southern Rincon)**

copyright © 1992 Wycliffe Bible Translators, Inc.

Language: Zapotec, Southern Rincon

Translation by: Wycliffe Bible Translators, Inc.

Zapoteco, Rincón Sur [zsr], Mexico

**Copyright Information**

© 1992, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Zapotec, Southern Rincon

**© 1992, Wycliffe Bible Translators, Inc.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
7feac3cb-fa00-54f1-b2be-b4d6aa29755b